

虛空藏菩薩  
神咒經

九十八  
民十一

47755



元祿九年丙子二月日重脩

皇圖 聖業 固 帝 曆 綴 昌

佛日 增輝 懋 輪 常 轉

山城州天安寺法金剛院置



虛空藏菩薩神呪經

宋罽賓三藏曇摩蜜多譯

民

如是我聞一時佛住佉羅山依正覺仙所住之處與無數大比丘聲聞衆俱亦與無量阿僧祇恒河沙等菩薩摩訶薩演說如來功德經已尔時西方有如意寶現以無量百千釋迦毗楞伽寶周帀莊嚴是寶珠光隱蔽一切餘色光明唯見如來及如意寶餘無量無邊不可說色見如虛空如來威光極更明顯此諸會衆不覩自身各不相見大衆諸色悉滅無餘不與眼對不得色身及以所觸隨所觀視唯見虛空亦不見於日月星辰地界水界

火界風界不與眼對耳不聞聲鼻不嗅香無  
心心數無我我所及六入起想瞻覩他方不  
得諸大在在方所唯見佛身色相光明亦復  
遙見如意寶珠以無量百千釋迦毗楞伽寶  
周帀莊嚴餘無所見於此衆中有住十地菩  
薩摩訶薩得首楞嚴三昧一生補處最後有  
身見如是相不驚怖畏解諸法空如實際性  
是故不驚不怖不畏餘諸菩薩摩訶薩聲聞  
天龍夜叉乾闥婆阿脩羅緊那羅拘槃荼毗  
舍遮富單那迦羅富單那人及非人在會中  
者極驚怖畏生於憂愁此彼闇蔽其心動亂  
各不相見都無問處其事云何何因緣尔爲

是誰力尔時衆中有菩薩摩訶薩名曰梵德合  
掌向佛而說偈言

一切法如性 人無有知者

依住於色陰

六情根闇蔽 不見於一陰

思惟求色陰

於佛法有疑 此中有是人

如此彼亦尔

惣知虛空相 彼三昧勇健

其身不可說

如意大寶珠 見在其頂上

釋迦毗楞寶

皆遙遠見彼 是大慧衆生

度首楞三昧

一切大慧者 欲來見世尊

今說甚深法

決定無有疑 安慰於此衆

悉來歸世尊

勇健者行處 教化熟衆生

尔時世尊而說偈言

如是如汝說

三昧者行處

若聞正住處

是慧衆生住

此是虛空藏

菩薩所行處

無依無戲論

彼三昧示現

衆生著二見

常為所劫奪

著斷常二見

彼此常闇蔽

如是二見等

將欲得解脫

其性不可說

速疾證諸地

復次善男子是初發心菩薩摩訶薩說初境

界相謂六波羅蜜乃至知諸大生滅如實之

性然後知於一切諸法不可言說無性無生

無滅無境界不動不搖如是修行一切諸行

如是悉離斷常二見不生怖畏於一切法不

起境界心疾得具足六波羅蜜更不復住斷

常見中佛說是已一切大衆見聞覺知如本  
色相小時世尊申其右臂說如是言是虛空  
藏菩薩摩訶薩來作是語已告諸大衆言是  
菩薩得諸三昧猶如大海持菩薩戒如須弥  
山智所通達猶如虛空懃行精進猶如疾風  
修行於忍猶如金剛其慧如空諸菩薩中猶  
如勝幢向涅槃者將導是一切善根之藏貧  
者德瓶入闇者日失道者月是怖畏者大須  
弥山是煩惱焦熱者甘露是一切種善根者  
栽是趣大涅槃者橋是墮惡道者船生天者  
梯是誹謗惡口者救熱惱者蓋於諸外道如  
師子王攝取諸見猶如水鏡魔怨中鎧毀戒

者藥是諸善本修行之地造變者華具行者  
藏無慚愧者上妙衣服病者良醫飢者得食  
渴者月珠疲極者床脩三昧正行者日向菩  
提者大車遊禪定者勝地助菩提者寶輪善  
男子此是向波羅蜜者果報是善男子又是  
進修行十地者如意寶珠是善男子是進行  
首楞嚴三昧者波利質多羅樹是斷邪見結  
使者刀破諸習氣猶如金剛能降諸魔是良  
方便是開發意是諸一切佛法所依是緣覺  
華鬘聲聞衣服諸天眼目人之正道是畜生  
歸是餓鬼護地獄尊救是一切衆生福田是  
諸菩薩摩訶薩大車是善男子是三世如來



應供正遍知最大輔臣護法城門是善男子  
乃至具足十八不共法以自莊嚴得於佛智  
成就具足是善男子悉是一切衆生應供唯  
除如來諸餘一切應供中最汝等大衆皆應  
奉仰各隨力能應辦供具供養恭敬而尊重  
之種種珍寶幢幡寶蓋塗香料衣服瓔珞  
種種雜物淨治道路種種莊嚴以種種讚歎  
而讚歎之汝等一切不久當得是功德器  
爾時一切大會皆共和合從座而起向虛空  
藏菩薩摩訶薩所現之方叉手合掌其心歡  
喜顏貌怡悅以清淨目諦觀視之於時衆中  
諸大菩薩及大聲聞天主龍主夜叉主阿脩

羅主伽留羅主緊那羅主摩睺羅伽主及五  
通仙各作是念當設何等最上最勝供具供  
養是善男子尔時虛空藏菩薩摩訶薩變娑  
婆界地平如掌七寶莊嚴除去諸山曠野埤  
埤墻壁瓦礫灰糞臭穢塵霧雲雷輒闍婆聲  
一切樹木變成七寶華葉菓香皆悉具足依  
地草木枝節莖葉亦變化成七寶蓋娑婆世  
界除一切病一切地獄畜生餓鬼無諸苦惱  
皆得衣服飲食瓔珞之具娑婆界中一切衆  
生得成如意妙色端嚴威德第一支體具足  
除諸結使心得寂靜於諸善根其心欣樂以  
清淨心安住三寶此所集衆兩手自然有化

如意寶一一如意寶各出光明遍照於此娑  
婆世界又是寶珠出妙樂音兩種種種寶種種  
妙衣種種瓔珞兩種種金鎖瓔珞真珠瓔珞  
又兩種種妙華青蓮紅蓮白蓮及水陸  
華復雨多摩鉢香牛頭栴檀末香莊嚴於道  
其道二邊化七寶堂如帝釋堂於其內化  
諸婁女猶如魔后作於五樂歡娛受樂當於  
佛上虛空之中化天寶蓋滿百由旬清妙鮮  
潔寶網莊嚴垂真珠貫莊嚴其中作衆伎樂  
過於天樂因地草木樹林華葉諸菓實中各  
出妙音殊過天樂有聞音者於阿耨多羅三  
藐三菩提得不退轉爾時一切諸大會衆見

虛空藏菩薩摩訶薩作是莊嚴得未曾有作  
是念言我等云何爲是善丈夫於世尊前當  
設何座尔時佛前出寶蓮華白銀爲莖黃金  
爲葉瑪瑙爲臺梵摩尼寶以爲其鬚縱廣十  
里復有如是無量百千諸寶蓮華周而圍遶  
見虛空藏菩薩摩訶薩忽在華上結加趺坐  
見其頂上如意寶珠見虛空藏所將眷屬亦  
各坐餘蓮華臺上尔時弥勒菩薩摩訶薩以  
偈問於藥王菩薩

如諸本先來

大名稱菩薩

恭敬禮世尊

然後乃就座

是善丈夫來

示現大莊嚴

不敬禮世尊

忽見其已坐

尔時藥王菩薩以偈答於弥勒菩薩

見是大丈夫 善住於佛法 是不見衆生

不依一切想

尔時弥勒菩薩復以偈言

若不見衆生 安住於實際 何義故莊嚴

為我顯現說

尔時藥王菩薩復以偈答

是方便勇健 教化衆生故 不知第一義

凡夫妄想行 世諦聰慧者 迷真故受苦

為脫是等故 現如是莊嚴

尔時世尊讚藥王菩薩言善哉善哉是善丈夫

失如汝所說假令一切諸凡夫不能知一須

施洄解脫行處一切衆生得湏施洄不能知  
一斯施含解脫行處一切斯施含阿那含阿  
羅漢亦復不知一辟支佛解脫行處一切衆  
生作辟支佛獨一騏驎亦不知一無生忍菩  
薩摩訶薩善行方便教化衆生一切衆生得  
無生忍不知一得首楞嚴三昧無礙辯才菩  
薩摩訶薩第一義諦解脫之行善男子是虛  
空藏得無生忍得無礙辯得首楞嚴三昧知  
此大衆過無量劫心之善根應當現於大莊  
嚴故住離欲地故此善男子從西方沒而來  
至此示現同諸聲聞緣覺入於無量空處三  
昧現於神通一切衆生生竒特心復於世諦

示現莊嚴教化無量諸衆生故是善男子若  
現第一義諦無生莊嚴乃至天人皆當驚怖  
迷惑失心至八地菩薩亦復失心無有能見  
其行相貌入如是等深功德法是善男子善  
知方便度於一切諸佛法海斷於疑惑自然  
善知諸方便度於一切菩薩摩訶薩中猶如  
玉幢善男子是虛空藏菩薩摩訶薩示諸衆  
生天道涅槃道能解衆生結使心病亦治四  
大身內增損諸患若有衆生諸邪見逼迷於  
生死曠野之中不知方便云何名爲天道涅  
槃道是諸衆生若稱虛空藏菩薩名禮拜供  
養燒衆名香是善男子觀心善根見結覆心

及知過去心種善根亦知現在供養佛法僧  
寶修施戒德如是諸事或於夢中方便示現  
正直之道方便力故及於一切惡見惡事惡  
願惡求惡歸惡趣心得解脫身口意行悉皆  
正直所願正直得近正直真善知識疾得解  
脫諸惡梟結惡見諸疾速疾得盡惡道惡業  
所願善故行善業故速疾得作心自在者住  
甚深忍若有衆生種種諸病逼切其身其心  
散亂聾盲音啞諸根不具支節各異將有死  
相如是等事一心稱是虛空藏菩薩名除諸  
病故欲無病故燒沉水香堅黑沉水若多竭  
流香禮虛空藏是善大丈夫於夜夢中作婆



羅門像在其人前或現釋像大功德天像妙  
音天像刹利像大巨像兵吏像良醫像或父  
母像或男女像於夜夢中在病人前如實為  
說種種隨病湯藥病者一服所患悉除復有  
如是所營求事欲多聞義若欲寂靜欲修禪  
得慧欲得名稱欲求工巧欲得自在欲得妙  
色欲得封邑欲得勢力欲得才能欲得妙聲  
欲得子息欲得眷屬欲得功德欲得布施持  
戒忍辱精進禪慧欲得美語欲人恭敬欲脫  
諸惡安止於施乃至任慧欲得長壽欲得種  
種所須之具得已能用欲勸慳人令行布施  
欲令破戒安任持戒欲令懈怠安任精進欲

勸愚癡令住於慧未定乘者勸住聲聞自攝  
乘者勸住緣覺是善男子作是方便示諸衆  
生若有衆生捨離大悲自護己身心捨衆生  
若有是心我何方便能勸彼人令住阿耨多  
羅三藐三菩提安住方便四梵行處乃至令  
其住於大悲是人敬禮虛空藏菩薩摩訶薩  
若阿練若處若在林中若露地燒沉水香堅  
黑沉水若多竭流香至心合掌五體投地遍  
禮十方尔時說是陀羅尼句

阿彌唵奢阿彌唵奢迦留尼迦 一遮羅遮羅

毗伽陀唵 三摩瞢呿復闍摩那迦留尼迦

四真陀摩尼富羅移迦留尼迦 五薩婆阿奢

彌咤羅啞離移六阿清陀梨七破仇破仇八

留垣脾脾伽仇九儼致脾脾伽仇留屋迦

十富隸移埤摩阿奢十一薩埤波咤羅遮阿輸

迦竭括莎呵二十

是善男子為於彼人現人色像鹿色像馬色

像或天色像隨彼功德現於如是色像言說

示一方便是方便故能教化無量百千那由

他衆生不定乘者聲聞乘者緣覺乘者今是

衆生於一時中一彈指頃少方便慧能令安

任無礙大乘得不退轉乃至得於種種三昧

得陀羅尼亦得於忍安住十地是虛空藏菩

薩摩訶薩成就如是不可思議方便智慧大

悲之力善男子假使能得虛空邊際無有能  
知是善男子智慧方便大慈大悲三昧之力  
教化衆生得其邊者是虛空藏菩薩摩訶薩  
成就如是不可思議無邊功德善男子若有  
衆生無諂幻惑正行威儀成就正見質直無  
誑不自讚譽離於嫉妬無有姦詐善心成就  
如是等人是善男子而憐愍之示方便智正  
行精進以是方便智慧正行精進力故脫諸  
苦惱發阿耨多羅三藐三菩提心一切善根  
悉皆迴向於無上道得不退轉以精進力滿  
足六波羅蜜故大懃進行速疾正覺阿耨多  
羅三藐三菩提虛空藏菩薩摩訶薩成就如

是不可思議無量功德教化衆生。今時弥勒菩薩摩訶薩。白佛言。世尊。何緣獨見此善男子頂上如意寶。極爲妙色。端嚴赫焰。非餘菩薩。佛言。善男子。是虛空藏菩薩摩訶薩。成就大悲。爲利衆生。脫大苦事。若有衆生犯根本重罪。當墮惡道。拔斷一切諸善根。行如是衆生。是善男子。爲作妙藥。若有衆生墮大無明闇蔽。惡見牢獄。繫閉爲大照。明猶之如日。令其悔過。斷根本惡。能除衆生疑心。毒箭。或有衆生。破壞心器。犯根本重罪。失諸善法。當墮惡道。無歸無趣。一切明慧之所捨棄。是善男子。能示是等罪闇。衆生安於善道。猶如寶杖。

又能洗一切晷惡結使能轉惡道安止人天  
逮涅槃樂猶如大車若有衆生多欲所轉極  
多瞋恚忿怒心亂或多愚癡無明覆蔽說無  
因果不見不怖不畏後世貪財無厭乃至常  
行十種惡業如是衆生是善男子爲閑惡道  
安止天人逮涅槃樂猶如大車以是緣故一切  
天人皆應供養是善男子唯除如來應供正  
遍知今時弥勒菩薩白佛言世尊何等名爲  
犯根本罪衆生犯是根本罪已拔斷一切諸  
善根行當墮惡道犯墮根本罪故離於一切  
人天之樂復因由是善男子故令彼衆生具  
滿人天涅槃之樂佛言善男子灌頂刹利王

犯根本重罪有五事灌頂刹利王犯五根本  
罪已諸先所種一切善根悉皆敗壞犯墮根  
本罪故離於一切人天之樂當墮惡道何等  
爲五善男子若灌頂刹利劫奪塔物或奪僧  
物若招提僧物若自取若使人取是名初犯  
根本重罪若誹謗法故聞佛爲聲聞說爲緣  
覺說爲大乘說誹謗遮固不令流布是名犯  
第二根本重罪若爲我出家剃除鬚髮被服  
袈裟或能持戒或不持戒或破戒或不破戒  
脫其袈裟罷令還俗或捶打其身而謫罰之  
收閉圜圉或斷其命是名第三犯根本重罪  
若灌頂刹利殺於父母殺佛弟子聲聞羅漢

破和合僧於如來應供正遍知以惡逆心出  
其身血五無間業隨造何罪是名第四犯根  
本重罪若刹利王說無因果捨於他世行於  
十惡勸多衆生作十惡業是名第五犯根本  
重罪善男子若灌頂王於此五根本重罪之  
中若犯一一則破過去一切善根犯墮重罪  
離於一切人天之樂當墮惡道以是緣故虛  
空藏菩薩摩訶薩現生邊地或現沙門形服  
威儀或現婆羅門形服威儀在在現生隨彼  
彼處爲諸刹利說未曾聞法如一切智說甚  
深經典說陀羅尼及忍辱地敷演開示以是  
緣故灌頂王先所作惡不善之業慚愧悔過



更不復作安住布施寂靜調伏大懃進行趣  
向大道復次大臣亦有五事犯根本重罪何  
等爲五若彼大臣劫奪塔物及奪僧物招提僧  
物是名第一犯根本重罪若大臣破於國城  
村邑聚落是名第二犯根本重罪若大臣誹  
謗正法聞佛爲聲聞說爲緣覺說爲行一切  
智者說誹謗遮罔藏匿隱覆是名第三犯根  
本重罪若諸大臣見人爲佛出家剃除鬚髮  
被服袈裟若持戒若不持戒若破戒若不破  
戒脫其法服罷令還俗撾打其身謫罰繫閉  
若斷其命是名第四犯根本重罪若大臣犯  
五無間一一惡業是名第五犯根本重罪

善男子若大臣犯一一五根本重罪則壞過  
去一切善根離於一切人天之樂當墮地獄  
以是緣故是虛空藏為是等故現生邊地作  
沙門形色若婆羅門乃至男女等像而為說  
法在在處處為於大臣說甚深法如一切智  
說諸甚深經典及陀羅尼忍辱之行開示演  
說大臣聞已所造惡業慚愧悔過更不敢作  
安住布施寂靜調伏懃行精進趣向大道善  
男子聲聞弟子犯根本重罪亦有五事何等  
為五殺生姪欲偷盜妄語若出佛身血是名  
聲聞犯五根本重罪若有聲聞犯一一根本  
重罪疑箭在心焦滅諸根必定趣向惡道虛

空藏菩薩爲是等故在在現生或作沙門形  
色威儀乃至男女等像而爲說法令求聲聞  
人慚愧悔過更不敢作安住寂靜調伏趣向  
無上大道善男子初向大乘善男子犯根本  
等重罪有八何等爲八若有衆生惡業因緣  
生五濁出以少善根近善知識聞此大乘甚  
深妙法少覺少知少善根故發阿耨多羅三  
藐三菩提心聞第一無相等經轉爲凡愚分  
別解說凡愚人間已驚畏退失阿耨多羅  
三藐三菩提心願求聲聞乘是名初發心菩  
薩犯初根本重罪以是罪故所修善根一切  
破壞犯墮重罪離於天人及涅槃樂退菩提

心當墮惡道是故菩薩應知他心及善根已  
如應說法如度大海漸漸深廣是故虛空藏  
現生其土同彼色像而爲說法是名初犯根  
本重罪行者欲見虛空藏菩薩懺悔所犯惡  
罪於夜後分燒沉水香堅黑沉水若多竭流  
香合掌稱虛空藏菩薩名是善男子隨功德  
分見虛空藏所現形色若見其身若沙門若  
婆羅門若男若女種種形色而爲說法是初  
發心菩薩所犯根本重罪即得懺悔堪忍無  
上大方便行三昧忍辱及陀羅尼至安住地  
能斷惡道於阿耨多羅三藐三菩提得不退  
轉於六波羅蜜得大精進力猶如金剛當疾

覺於阿耨多羅三藐三菩提若於其前不現身者是初行菩薩明星出時從座而起向於明星說如是言南無呵嚩那南無阿嚩那成就大悲今者初出於閻浮提願以大悲覆護於我以我言說白大悲虛空藏菩薩於夜夢中示我方便以是緣故得悔所犯根本重罪成就大乘方便智眼尋於眠中明星出時虛空藏菩薩即於夢中自現色身令其悔過滅除諸惡已即得三昧名不忘菩提之心善住大乘具六波羅蜜若初行菩薩語餘人言汝等不能行六波羅蜜亦不能覺阿耨多羅三藐三菩提汝等速發聲聞辟支佛心可得度

於生死餘如上說是名初行第二犯根本重  
罪復次初行者或說是言汝用善持調伏戒  
爲但當速發菩提之心汝當讀誦大乘經典  
身口意惡當得清淨無有惡報餘如上說是  
名初行第三犯根本重罪復次初行者若說  
是言汝有大德應離聲聞法勿聽勿讀勿爲  
他說汝善男子當隱蔽聲聞經法聲聞法中  
不得大乘不能令汝使得邊際唯當聽受大  
乘經典爲他人說汝諸惡業當得清淨疾成  
佛道若受是語攝取是見二俱犯罪是名初  
行菩薩第四犯根本重罪復次初行者妄語  
兩舌異思異說大乘經典爲於名譽利養受持

讀誦如其所聞爲他廣說作如是言我知大  
乘非餘人也見他得利心生嫉妬說他惡名  
誹謗毀咎自說得過人法是人破壞犯墮重  
罪離大乘法當墮惡道如人入海求寶船敗  
沒死是初行者亦復如是是名初行第五犯  
根本重罪復次未來當有若在家出家初行  
菩薩讀誦方廣經典爲利養故言我解是妙  
法愍汝等故爲汝等說是初行菩薩實無饒  
益衆生之心如人飢乏入大菓林捨諸美菓  
服毒菓而死是初行菩薩亦復如是得入大  
乘正覺寶林爲利養名譽故說大乘經犯根  
本重罪爲諸智者之所呵責人天四衆不應

親近是名初行第六根本重罪復次刹利王  
有國相旃陀羅毘旃陀羅兵吏旃陀羅醫旃  
陀羅如是癡人自持財寶雖行施惠放逸憍  
慢破壞衆僧因倚王毘劫奪僧物是名初行  
第七根本重罪復次若刹利旃陀羅毘旃陀  
羅比丘旃陀羅等瞋嫌沙門法說非法非法  
說法捨諸經律非時義論非法立制斷學般  
若惱亂比丘令諸沙門失淨信心壞破威儀  
實非沙門自言沙門實非梵行自言梵行令  
諸四衆增致供養是王毘及比丘二俱得罪  
是名初行第八犯根本重罪是初行菩薩犯  
此根罪不名修行斷諸善根離人天樂當墮



惡道善男子虛空藏菩薩為是等故隨形入  
類現同色像而為說首楞嚴等種種經藏令  
犯罪者悔諸惡業成就善根究竟涅槃若善  
男子禮拜稱讚虛空藏菩薩是人現在得大  
功德復次若有衆生聞虛空藏菩薩名造立  
形像供養恭敬尊重讚嘆種種供養具而以  
供養是人現身水不能漂火不能燒刀不能  
傷毒不能害人與非人無有能害亦無病痛  
飢渴之患臨命終時是虛空藏現其所事種  
種天像日月等像令諸衆生各見所歸充滿  
其願說如是偈  
是四聖諦 慧者若見 知生死過 度諸有流

若有衆生深心信佛即現佛身而說是偈  
佛智真實若度諸有得證佛智 脫一切苦  
是諸衆生臨命終時得見佛身深心愛樂歡  
喜踊躍既命終已離五濁世生淨佛土見佛  
聞法善男子是虛空藏菩薩摩訶薩成就如  
是不可思議功德若欲增長修諸禪定智慧  
自在當澡浴清潔於夜後分禮虛空藏已設  
諸供養作如是言於諸衆生大慈悲者願施  
與我念定方便即說陀羅尼句

留羊蘭那哈 一 颯鉢尼隸 二 茂唎阿婆多隸

三 那那移 四 那移摩訶迦留尼迦 五 阿秣婆

閻婆嚩呬 六 阿伽閻婆嚩呬 七 跋閻閻婆嚩

唵 八 路奢蜜栗唵 九 阿那摩蜜唵 十 復多句

噉蜜唵莎呵 十一

即與彼人念定方便若欲讀誦種種經論亦於明星出時供養禮拜虛空藏菩薩已作如是言大悲虛空藏拯濟諸衆生願愍念於我與我念慧力即說陀羅尼句

阿彌羅闍鞞 一 哈蒲沙闍鞞 二 吡婆那闍鞞

三 唵差三彌 四 受吽羅闍師 五 悉唵那嚩鞞

六 世羅迦尼 七 呼摩呼摩 八 摩訶迦留尼 迦

莎訶 九

若欲渡海欲求伏藏欲求仙道若繫閉若有別離若怨憎會若水若火若刀若毒若病蠱

道師子虎狼毒虵盜賊等種種怖畏及所須之物是人應當稱虛空藏菩薩名禮拜供養應於彼起大慈父想說如是偈

愍我愍我大悲稱

利益世間虛空藏

願以大悲諦觀我

救我如是諸怖畏

大德施我功德利

我今苦逼最貧窮

歸依我尊大寂靜

願得現樂及來世

爾時虛空藏菩薩或現自身或現他身種種形色而安慰之令得解脫所須之物亦悉具足若復王子欲紹王位婆羅門處長者工巧處大威德處大思惟處大解脫處是人亦於夜後分稱虛空藏菩薩名禮拜供養誠心歸

依虛空藏菩薩清淨天耳遠聞音聲徃其人  
前而爲說法令滿所願善男子虛空藏成就  
如是不可思議功德智慧方便假令衆生數  
知海水不能得知虛空藏菩薩功德之量復  
有衆生能知十方虛空邊際亦不能知虛空  
藏菩薩神通變化權智之力是故虛空藏頂  
上寶珠光色如是尔時會衆聞佛所說歡喜  
踊躍頂禮佛足白佛言世尊云何能於五濁  
惡世教化衆生佛言善男子猶如虛空無縛  
無解無瞋無愛其性清淨善男子如來亦尔  
於第一義空心得自在其性清淨雖處濁世  
不爲塵垢之所染汚爲化衆生故出現於世

善男子而是虛空依於六識而得住耶不也  
世尊虛空藏白佛言世尊各不相依各無行  
處一切法空無有積聚本際如實猶如虛空  
無壞無成無憶想分別無動無愛無子無果  
無報無有文字世尊菩薩摩訶薩如是知諸  
法性得無生忍如是世尊即說呪曰

界婆羅闍

一摩菟歛移

二慎那闍移

三禪那

尼摩

四半尼

呵羅

五阿那吡

六

破羅仇

呵七

竭婆尼摩

八阿毗吡

九脩婆奢奢闍婆

十舍

那舍那

十一舍那多吡

十二劔摩舍摩

摩

十三遮那吡

十四翅疑啗蒲三

輪四泥莎呵

十七

佛言善哉善哉善男子汝今能說是降伏眼  
師子吼步水陀羅尼今諸衆生臨命終時破  
煩惱障業障報障得生淨土汝能愍念衆生  
遊諸佛土示現色身利益衆生說大乘經能  
斷諸惡令王旃陀羅乃至沙門旃陀羅修諸  
善法佛說此經時無量阿僧祇人天得種種  
三昧陀羅尼住於諸忍得平地智十千人得  
無生法忍佛說偈言

若衆生諍訟

因根本所攝

能攝諸根本

速疾得見彼

佛說經已一切大衆歡喜奉行

虛空藏菩薩神呪經

剎賓反上居國名例犀觸字哢二反同許鎧改告愛苦

甲音娛樂歡上音愚也騏驎二音隣仁獸也似鹿其下

今去獨一獨覺乘辟支佛也良醫字下醫矧反冬帝似鹿贖下登反莫

呿反丘迦牠他音吸波音仇求音拏底音偵正作埵反丁登反莫贖下登反莫

質真字上質質赫他音焰光上盛許客反適二罪責也罰二罪責也蔵罪責也

匿下力反呵反嘍二此曰明星也毀下音紫告下音紫澡下音紫浴下音紫

早上音唵又戶暗反風蒲未茂上音呢茂字告下音紫下音澡下音浴下音

穉反尼救又蜜音啞下音致音拯上音濟上音蒸字鞞迷步

反反咏反莫可發上音啖他丹反頼反力大

虛空藏菩薩神呪經

民



